

Petro Nwoma A Ɛdi Ɛkan

¹ Krataa yi firi Yesu Kristo ɔsomafoɔ Petro nkyɛn,

Meretwere krataa yi akɔma Onyankopɔn nnipa a wɔahwete sɛ ahɔhoɔ kɔ Ponto, Galatia, Kapadokia, Asia ne Bitinia amantam mu no. ² Onyankopɔn, yɛn Agya, na ɛfiri teteete no ɔfrɛ mo. Na ɔnam ne Honhom so ayɛ mo kronkron. Ɛno enti, moayɛ ɔsetie ama Yesu Kristo, na ɔde ne mogya ate mo ho:

Adom ne asomdwoeɛ a ɛdɔɔso nka mo.

Anidasoɔ

³ Momma yɛnna Onyankopɔn a ɔyɛ yɛn Awurade Yesu Kristo Agya no ase. Ɛsiane n'ahummɔboroɔ dodoɔ enti, ɔnam nyane a ɔnyanee Yesu Kristo firii owuo mu no so ama yɛn nkwa foforoɔ. Yei ma yɛnya anidasoɔ a atim, ⁴ enti yerehwe anim sɛ yɛbenya nhyira dodoɔ a Onyankopɔn akora a ɔde bɛma ne mma no bi. Ɔde asiɛ wɔ ɔsoro ama mo ɛfiri sɛ, ɛho deɛ, ɛremporoɔ anaa ɛrensɛɛ, na ɛrempa nso. ⁵ Na Onyankopɔn gyina ne tumi kɛsɛɛ no so bɛhwe sɛ mobɛduru ho asomdwoeɛ mu, na mo nsa aka, ɛfiri sɛ, mogye no di. Ɛbɛyɛ mo dea nna a ɛdi akyire no mu ama obiara ahunu. ⁶ Ɛwom sɛ, ɛbia, ɛsiane ɔhaw bebree a mobɛfa mu no

enti, mo werε beho deε, nanso momma mo ani nnye saa asem yi ho. ⁷ Ɔhaw ba seδεε εβεγε a wɔbehunu se mo gyidie no ye kann. Sikakɔkɔɔ a wɔtumi seε no no mpo, wɔde ogya sɔ hwε. Enti, mo gyidie a εsom bo kyεn sikakɔkɔɔ no, εse se wɔsɔ hwε hunu se, εbetumi atim anaa. Eno ansa na da a Yesu Kristo beba no, mobenya animuonyam. ⁸ Ewom se monhunuu Yesu deε, nanso modɔ no. Monhunu no seesei deε, nanso mogye no di. Anigyee a moanya no boro so ⁹ εfiri se, mo nsa reka gyidie ho mfasɔɔ a εye mo kra nkwagyee no.

¹⁰ Saa nkwagyee yi na tete adiyifoɔ no de boasetɔ hwehwεε mu, εbere a wɔhyee saa akyedeε yi a Onyankopɔn de bema mo no ho nkɔm. ¹¹ Wɔpree se wɔhunu εbere no ne εkwan a enam so beba. Saa εbere yi ne εbere a Kristo Honhom a ɔte wɔn mu no kyerεε wɔn wɔ nkɔmhye mu se Kristo behunu amane, na akyire no wanya animuonyam. ¹² Onyankopɔn daa no adi kyerεε saa adiyifoɔ no se, wɔanye wɔn adwuma no amma wɔn ho, na mmom, wɔye de som mo. Wɔnam Honhom Kronkron a wɔsoma no firii ɔsoro no tumi so kaa Asempa no kyerεε mo. Yei ye adeε a εye nwanwa yie, na abɔfoɔ mpo de anigyee sononko rehwe anwanwadwuma a εreko so yi.

¹³ Enti, monsi mo adwene pi na monni mo ho so. Monnyina yie ma momma mo ani nna nhyira a wɔde bema mo wɔ Yesu Kristo ba a ɔbeba no mu no so. ¹⁴ Montie Onyankopɔn, na mommma akɔnnɔ abrabɔ a εdii mo so εbere a na monnim no nni mo so. ¹⁵ Na mmom, monye kronkron wɔ

biribiara a moye mu sɛdeɛ Onyankopɔn a ɔfrɛɛ mo no ye kronkron no. ¹⁶ Atwerɛsem no aka sɛ, “Ese sɛ moye kronkron, ɛfiri sɛ, meye kronkron.”

¹⁷ Monkae sɛ mo Agya a ɔwɔ ɔsoro a mobɔ no mpaeɛ no renhwɛ nnipa anim wɔ n’atemmuo mu. Eno enti mo nna a aka mo wɔ asase yi so no, momfa anidie nyinaa mma no. ¹⁸ ɛfiri sɛ, monim bo a wɔtua de gyee mo firii abrabo bɔne a mo nananom kyereɛ mo no mu. Enye adeɛ a ɛhwere ne bɔɔ a esom tɛ sɛ dwetɛ anaa sikakɔkɔ no. ¹⁹ Na mmom Kristo a ɔye odwammaa a ɔnni dɛm no de ne ho bɔɔ afɔdeɛ a ne bɔɔ ye den ma monyaa ahofadie. ²⁰ Ansa na wɔrebɔ ewiase no, na Onyankopɔn ayi no, na mo enti na nna a ɛdi akyire no, wɔdaa no adi. ²¹ Enam ne so na mogyee Onyankopɔn a ɔnyanee no firii awufɔɔ mu na ɔmaa no animuonyam no diiɛ. Enam ne so ama mo gyidie ne mo anidasɔɔ atim wɔ Onyankopɔn mu.

²² Seesei a moaye ɔsetie ama nokore no, mo ho ate. Eno enti, monnodɔ mo nuanom agyidifoɔ nokore mu. Momfiri mo akoma nyinaa mu nnodɔ mo ho mo ho. ²³ ɛfiri sɛ, wɔawo mo foforo; wɔanwo mo ɛmfiri aba a ɛporɔ mu, na mmom, ɛfiri Onyankopɔn asem a ɛmporo mu. ²⁴ Sɛdeɛ Atwerɛsem no aka no,

“Nnipa nyinaa tɛ sɛ ɛserɛ;
na wɔn animuonyam tɛ sɛ nhwiren.

ɛserɛ no wu ma ne nhwiren no po,

²⁵ nanso Awurade asem no wɔ ho daa nyinaa.”

Yei ne asem a Aɛmpa no de brɛɛ mo.

2

Onyankopɔn Ankasa Nkurɔfoɔ

¹ Montwe mo ho mfiri bɔne nyinaa, atoro anaa nyaatwom anaa anibereɛ anaa nsekuro ho.

² Monye se nkɔkoaa a ebere biara sukɔm de mo, se mobɛnya honhom mu nufosuo kronn anom, na se monom a moanyini na wɔagyɛ mo nkwa.

³ Sɛdeɛ Atwerɛsem no ka se, “Moaka Awurade ayamyɛ no ahwe.”

⁴ Mommra Awurade a ɔye eboɔ a nkwa wom no nkyɛn. Ono na nnipa poo no, na Onyankopɔn yii no se n’adeɛ a esom bo. ⁵ Mo nso motɛ se aboo a nkwa wɔ mu a wɔde mo resi edan a honhom ahyɛ no ma. Eho na mobesom se asɔfoɔ Kronkron a monam Yesu Kristo so bebɔ honhom mu afɔdeɛ a edi mu ama Onyankopɔn. ⁶ Na Atwerɛsem no ka se,

“Mayi eboɔ a eho hia a mede bɛye Sion tweatiboɔ
^a
 obiara a ɔbɛgyɛ no adi no,
 wɔrenni no hwammɔ.”

⁷ Saa eboɔ yi ho wɔ mfasoo yie ma mo a mogye di. Na wɔn a wɔnnye nni no:

“Eboɔ a adansifoɔ apo no,
 eno ara na abɛye tweatiboɔ.”

⁸ Wɔka bio wɔ Atwerɛsem no mu se,
 “Saa eboɔ yi na ebɛma nnipa asunti;
 ɔbotan a ebɛma wɔahwe ase.”

Wɔsuntiiɛ efiri se na wɔnnye asem no nni. Saa na Onyankopɔn hyɛɛ.

⁹ Na mo deɛ, moyɛ nnipa a wɔayi mo, se ɔhene asɔfoɔ, ɔman kronkron, Onyankopɔn ankasa nkurɔfoɔ a wɔayi mo se monka

n'anwanwadwuma no ho asem. Ono na ofree mo firi sum mu baa n'ankasa hann nwanwaso no mu. ¹⁰ Nna bi a atwam no, na monye Onyankopon nkurɔfoɔ nanso afei, moye ne nkurɔfoɔ; nna bi a atwam no na monnim Onyankopon ahummɔborɔ no, nanso seesei, moanya n'ahummɔborɔ no.

Onyankopon Asomfoɔ

¹¹ M'adɔfoɔ, mekasa kyere mo se ahɔhoɔ ne amamfrafoɔ a mowɔ ewiase. Montwe mo ho mfiri honam akonno a daa ene okra no di asie no ho. ¹² Mommɔ ɔbra pa wɔ amanaman a mofra won mu no mu, na se wɔka mo ho nsem se moye nneboneyefoɔ a, wɔahunu mo papa a moaye no nso, nam so ahye Onyankopon animuonyam eɔa a ɔbeba no.

¹³ Mommre mo ho ase wɔ Awurade din mu mma tumidie a eye ewiase nhyehyee nyinaa: Ni titire Ohempɔn a ɔdi obiara so. ¹⁴ Mommre mo ho ase mma amradofoɔ, efiri se Ohempɔn na wasoma won se wontwe nneboneyefoɔ aso na wɔmmɔ won a woye papa no aba so. ¹⁵ Onyankopon ahyedee ne se, ɔpe se monam mo nneyee pa so ka nnipa a wɔkasa kwa no kasa no hye. ¹⁶ Montena ase se nnipa a mode mo ho. Monnsusu se mo de mo ho enti mobetumi aye bone biara. Mmom, montena ase se Onyankopon asomfoɔ. ¹⁷ Momfa anidie mma nnipa nyinaa. Monno anuanom agyidifoɔ. Monsuro Onyankopon, na mommu Ohempɔn.

¹⁸ Afie mu asomfoɔ nso, mommre mo ho ase mma mo wuranom, na monni won a won yam ye na won tirim ye mmre nko ni, na won a

wɔn tirim ye den nso, monni wɔn ni. ¹⁹ Se moto mo bo ase tena saa yea a emfata yi mu a, Onyankopɔn behyira mo, efiri se, monim ne pe. ²⁰ Na se moye bɔne na wɔhwe mo a, morennya ho mfasoɔ biara. Na se moye papa na wɔhwe mo na monya ho boasetɔ a, Onyankopɔn behyira mo. ²¹ Yei enti na Onyankopɔn frɛe mo, efiri se, Kristo no ankasa hunuu amane maa mo, de saa nhwesɔɔ no gyaa mo, sedee mobedi n'anammɔn akyi.

²² “Kristo anye bɔne.

Obiara ante atorɔsem biara amfiri n'ano.”

²³ Wɔbɔɔ no adapaa no, wammɔ wɔn bi antua ka. Ohunuu amane no, wampoopoo n'ani na ɔde n'anidasoɔ nyinaa hyee Onyankopɔn a ɔye ɔtemmufɔɔ pa no mu. ²⁴ “Kristo no ankasa soaa yen bɔne” wɔ ne honam mu kɔɔ asennua no so sedee yebewu ama bɔne na yeatena ase tenene mu. “N'akuro mu na moanya ayaresa. ²⁵ Na mote se nnwan a wɔayera,” nanso afei dee, wɔde mo asane aba se mommɛdi Odwanhwefɔɔ no ne mo Krasohwefɔɔ no akyi.

3

Oyerenom Ne Okununom

¹ Saa ara nso na oyerenom nso ese se mobre mo ho ase ma mo kununom sedee ebeye a, se wɔn mu bi nnye asem no nni a, mo suban pa no betwetwe wɔn ama wɔagye asem no adi. Eho nhia se mobeka biribi, ² efiri se wɔbehunu obuo ne anidie a mode ma Onyankopɔn wɔ mo suban mu. ³ Mommma ohonam mu asiesie nnye mo dadwene; se eye ekwan a mofa so kyekyere mo ti,

anaa adwinnee a mode siesie mo ho, anaa ntoma a mofira. ⁴ Momfa ɔdwoɔ ne ahobreasee nkyere mo ahoɔfe a eye akomamutee no. Saa ahoɔfe yi kyere na eɔ Onyankopɔn ani. ⁵ Saa ekwan yi so na mmaa agyidifoɔ a wɔtenaa ase tete no a na wɔwɔ anidasoɔ wɔ Onyankopɔn mu no nam breɛ wɔn ho ase maa wɔn kununom, de kyereɛ wɔn ahoɔfe. ⁶ Sara yee saa ara. Ɔtiee Abraham asem frɛɛ no “Me wura.” Seesei se moye papa na monsurɔ hwee a, moye ne mmammaa.

⁷ Mo okununom nso, saa ara na eɛ se se modwene mo yerenom ho wɔ mo asetena mu. Momfa anidie mma wɔn na monhunu mmerɛ a woye na monhunu se wɔne mo ye adedifoɔ, na biribi ansi mo mpaeɛbɔ ekwan.

Papaye So Amanehunu

⁸ Dee etwa toɔ, Mo nyinaa montena ase asomdwoe mu. Monnya ɔtema mma mo ho mo ho. Monnodɔ mo ho mo ho, na monye ahummɔboroɔ, na mommre mo ho ase. ⁹ Mommfa bɔne ntua bɔne so ka, na mommfa ɔyea nso ntua ɔyea so ka. Na mmom, daa, monhyirahyira, efiri se, eno enti na wɔfrɛɛ mo na moanya nhyira. ¹⁰ Efiri se, Atweresem no ka se,

“Obiara a ɔpe se ɔtena ase yie
na ɔhunu nna pa no,
ense se ɔka kasa bɔne,
na eɛ se ɔgyae atorɔtwa.

¹¹ Eɛ se se ɔte ne ho firi bɔne ho na ɔye papa
na ɔti asomdwoe akyi na ɔdi akyire.

¹² Efiri se, Awurade ani wɔ ateneneefoɔ so
na ɔtie wɔn mpaeɛbɔ
na ɔtia wɔn a woye bɔne.”

¹³ Σε wopere σε wope σε woye deε etene a, hwan na ɔbeha wo? ¹⁴ Na σε eba mpo σε woye deε etene na wohunu ho amane a, w'ani gye. Monnsuro nnipa, na mommma hwee nha mo. ¹⁵ Momfa anidie mma Kristo wɔ mo akoma mu, na momma ɔnye mo Awurade. Eberε biara a obi bebisa mo gyidie a mowɔ wɔ mo mu ho asem no, monkyere no aseε. ¹⁶ Momfa obuo ne anidie mma saa mmuaεε no. Momma mo adwene mu nna hɔ sedee wɔn a wɔsopa mo suban pa wɔ Kristo mu no anim begu ase wɔ wɔn nsekuro no ho. ¹⁷ Efiri σε, σε eye Onyankopɔn pe σε mobehunu amane a, eye σε mobehunu ade teneneε a moyeeε ho amane sene σε mobeye bɔne. ¹⁸ Efiri σε, Kristo no ankasa wu maa mo. Ɔwu penkorɔ maa mo bɔne sedee ebema moatumi akɔ Onyankopɔn nkyen. Wɔkumm no honam mu, nanso ɔsɔree honhom mu, ¹⁹ na ɔnam honhom no so kɔkaa Asempa no kyerεε ahonhom a wɔda afiase no. ²⁰ Ahonhom yi yeε asoɔden tiaa Onyankopɔn eberε a Noa resene ne hyen no, nanso Onyankopɔn too ne bo ase maa wɔn. Onyankopɔn nam nsuo no so gyee nnipa baawɔtwe nkwa. ²¹ Enɔ na afei ne sεso ne asubɔ a egye mo nkwa seesei no. Enye honam ani efi hohoro, na mmom, eye bɔ a wɔfiri ahonim pa mu hye Onyankopɔn. Enam Yesu Kristo wusɔree so gye mo nkwa. ²² Kristo kɔ ɔsoro afei, na ɔte Onyankopɔn nifa so na ɔdi ɔhene wɔ abɔfoɔ nyinaa ne ewiem atumfoɔ so.

4

Abrabɔ Foforɔ

¹ Esiane sɛ Kristo hunuu amane ne honam mu enti, monso saa adwene korɔ no ara mu mfa nhyɛ mo ho den. Efiri sɛ, deɛ wahunu amane wɔ honam mu no ne bɔne nni biribiara ye. ² Efiri seesei reko no, mo nna a aka wɔ asase so ha no, esɛ sɛ Onyankopɔn na ɔdi mo abrabɔ so na enye onipa akɔnnɔ. ³ Moasɛɛ mmere bebree de aye deɛ esɛ sɛ abosonsomfoɔ na wɔye. Motenaa ase wɔ ahohwie, akɔnnɔbɔne, nsãborɔ, agobɔne, adidimeeɛ ne abosonsom a eyɛ akyiwadeɛ mu. ⁴ Seesei eyɛ wɔn nwanwa sɛ mo ne wɔn mmɔ mu mmu ahuhubra no bio, eno enti, wɔyeye mo. ⁵ Nanso, wɔɔɔbu wɔn ho nkonta akyerɛ Onyankopɔn a wasiesie ne ho bu atasefoɔ ne awufoɔ atɛn no. ⁶ Saa enti na wɔkaa Asem pa no kyerɛɛ awufoɔ, sɛdeɛ ebeye a sɛ wɔgyina wɔn asetena yi mu nneyeeɛ so bu wɔn atɛn a wɔn honhom ne Onyankopɔn betena.

⁷ Biribiara awieeɛ abɛn. Esɛ sɛ mohye mo ho so na mowɛn na moatumi abɔ mpaeɛ. ⁸ Yei akyi no, monnodɔ mo ho yie efiri sɛ, ɔɔ bunkam bɔne nyinaa so. ⁹ Monnye mo ho ahɔhɔ wɔ mo afie mu a huhuhuhu biara nni akyire. ¹⁰ Honhom mu adom a obiara anya no, ɔnnyina so mfa nsom aforɔ. ¹¹ Sɛ obi reka asem a, ɔnka Onyankopɔn asem. Obiara a ɔsom no, ɔmfa ahɔɔden a Onyankopɔn de ama no no nsom sɛdeɛ biribiara mu, wɔɔɔfa Yesu Kristo so akamfo Onyankopɔn a animuonyam ne tumi wɔ no daadaa no. Amen.

Okristoni Amanehunu

¹² Anuanom, mommma amanehunu a morehunu no nnye mo nwanwa te sɛ deɛ montee so asem da. ¹³ Na mmom, momma mo ani nnye

se mo ne Kristo rehunu amane sedee mo ani begye daa da a obeda n'animuonyam adi no. ¹⁴ Nhyira nka mo se moye Kristo akyidifoɔ enti wɔya mo. Yei kyere se animuonyam honhom a eye Onyankopɔn Honhom no wɔ mo so. ¹⁵ Ense se mo mu biara hunu amane se owudifoɔ anaa owifoɔ anaa odwotwafɔɔ anaa ɔsempɛfoɔ, ¹⁶ Na se mohunu amane wɔ mo Kristosom ho a, mommma mo ani nnwu, na mmom, monna Onyankopɔn ase se moye Kristo dea. ¹⁷ Eberɛ aduru se wɔbu aten, na Onyankopɔn no ara nkurɔfoɔ na wɔbedi kane abu wɔn aten. Na se efiri yen so kane a, ebewie Asempa no asoɔdenfoɔ no sen? ¹⁸ Atweresem no ka se, "Eye den se wɔbegye onipa pa nkwa; na wɔn a wɔnnye asem no nni ne nnebɔneyefɔɔ no deɛ, edeen na ebɛba wɔn so?"

¹⁹ Ne saa enti, wɔn a wɔhunu amane sedee Onyankopɔn ahyehye no, ese se wɔde wɔn ho ma ɔbɔadeɛ no na wɔkɔ so ye papa.

5

Kɔkɔ A Wɔbɔ Adefɔɔ

¹ Me a meye ɔpanin no, metu asafo no mu mpanimfoɔ fo se, meye Kristo amanehunu no ho adanseɛ enti n'animuonyam a ebɛba no beka me. Metu mo fo se, ² monye nnwan a Onyankopɔn de wɔn ahye mo nsa no nnwanhwefɔɔ na monhwe wɔn yie sedee Onyankopɔn pe se moye no. Monye adwuma a monhwehwe ho akatua biara, na mmom, pe ara na mope se moye. ³ Monnhye wɔn a wɔde wɔn ahye mo nsa no so, na mmom

monye nhwesoo pa mma nnwan no. ⁴ Na se Odwanhwefoo panin no ba a, wobema mo animuonyam ahenkye a eho nsee da.

⁵ Saa ara na ese se mmabunu, mobre mo ho ase ma mpanimfoo. Mo nyinaa mfa ahobreasee nkatanimu mmoo mo asene na monsom mo ho mo ho efiri se, Atweresem no ka se, "Onyankopon si ahantanfoo ekwan na odom ahobreasefoo."

⁶ Enti mommre mo ho ase nhye Onyankopon nsa a tumi wo mu no ase sedefe ebeye a obema mo so wo ebera a ese mu. ⁷ Momfa mo dadwene ne mo haw nyinaa nto ne so efiri se, odwene mo ho.

⁸ Mo ani nna ho; monwen efiri se, mo otamfoo bonsam no nam se gyata a obobom hwehwe dee obenya no amene. ⁹ Momfa gyidie nnyina pintinn nsi no ekwan efiri se, monim se mo nuanom agyidifoo a wowa ewiase afanan nyinaa rehunu saa amane koroo no ara bi.

¹⁰ Na adom nyinaa Onyankopon a wafre mo aba ne daa animuonyam no mu Kristo mu no, onoo ara na se monya hunu amane kakra ansa a, obesiesie mo pe; obema mo ase atim; obehye mo den; obema mo anya nnyinasoo. ¹¹ Ono na tumi wo no daa daa. Amen.

¹² Me nua ogyidini Silwano na oboaa me maa metwerre saa krataa tiawa yi. Mepre se mehye mo nkuran na medi adanse se, yei ye Onyankopon adom kann. Monnyina mu dennen.

¹³ Asafo a Onyankopon ayi wo Babilonia no ne me ba Marko kyea mo.

¹⁴ Momfa ɔdɔ atuuye wɔ Kristo mu nkyeakyea mo ho mo ho.

Asomdwoee nka mo a mowɔ Kristo mu no nyinaa.

**Biblica® Wɔnhia ɛho kwamma nwoma
Asante Twi Nkwa Asem™
The Holy Bible in the Asante Twi language of Ghana:
Biblica® Wɔnhia ɛho kwamma nwoma Asante Twi
Nkwa Asem™**

copyright © 2020 Biblica, Inc.

Language: Twi

Dialect: Asante

Contributor: Biblica, Inc.

Adwuma yi, Creative Commons Attribution-ShareAlike 4.0 International License (CC BY-SA) na wode bae. Wope se wokenkan kwamma nwoma yi sɛso bi a, kɔhwɛ <http://creativecommons.org/licenses/by-sa/4.0> anaase twere krataa kɔma Creative Commons, P. O. Box 1866, Mountain View, CA 94042, USA.

Biblica® ye ahyensodee a Biblica Inc. akɔgye, na wope se wode Biblica® ahyensodee yi di dwuma a, gye se Biblica Inc. twere ho kwamma nwoma ma wo. CC BY-SA kwamma nwoma nhyehyɛɛ mu no, wobetumi ayɛ adwuma yi sɛso de akɔ mmeaɛɛ ahodoɔ wɔ ɛberɛ a wonsesa Biblica® ahyensodee no. Se woye nsakraeɛ anaase wokyerɛ saa adwuma yi ase kɔ kasa foforo bi mu efa so nya adwuma foforo firi yei mu a, ɛse se woyi Biblica® ahyensodee no firi ho. Nyafirimu adwuma no so no, ɛse se wotwere nsakraeɛ a woaye no ne dee edidi soɔ yi nso ka ho: “Biblica Inc. adwuma kann no wɔ www.biblica.com ɛna open.bible a wonhia ɛho kwamma nwoma biara.”

Ɛse se wotwere Owuraye Tumi no wɔ baabi a nwoma no edin wɔ anaa kratafa a yetwere adwuma Owuraye Tumi gu no sɛdee edidi soɔ yi:

Biblica® Wɔnhia ɛho kwamma nwoma Asante Twi Nkwa Asem™

Owuraye Tumi © 1996, 2020. Biblica, Inc. na wode ma.

Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” ye ahyensodee a Biblica Inc. akɔgye afiri United States Patent and Trademark Office de hyɛ wɔn nneema ahodoɔ nso. Gye se Biblica Inc. ma wo ho ekwan ansa na woatumi de adi dwuma.

“Biblica” is a trademark registered in the United States Patent and Trademark Office by Biblica, Inc. Used with permission.

Ɛse se wode saa kwamma nwoma (CC BY-SA) yi ara na ɛto wo nyafirimu adwuma no soɔ.

Adwuma yi a woakyere aseɛ ako kasa foroɔ mu yi, sɛ wopɛ sɛ wobɔ Biblica, Inc. amannee a, yesɛ wo, ene yen nni nkitaho wɔ <https://open.bible/contact-us>.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at www.biblica.com and open.bible.”

Notice of copyright must appear on the title or copyright page of the work as follows:

Biblica® Wɔnhia eho kwamma nwoma Asante Twi Nkwa Asɛm™

Owuraye Tumi © 1996, 2020. Biblica, Inc. na wode ma.

Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” ye ahyensodeɛ a Biblica Inc. akogyɛ afiri United States Patent and Trademark Office de hyɛ wɔn nneɛma ahodoɔ nso. Gye sɛ Biblica Inc. ma wo ho ekwan ansa na woatumi de adi dwuma.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not

necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-18

PDF generated using Haiola and XeLaTeX on 22 Feb 2024 from source files dated 19 Apr 2023
4d908a5f-6fc6-5f10-9298-e0ab905f607f